



BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA

## **PRAVILNIK**

o dodjeli jednokratne pomoći za svako novorođeno dijete na području Grada  
Zenica

mart, 2020. godine

Na osnovu Zakona o socijalnoj zaštiti, zaštiti civilnih žrtava rata i zaštite porodice sa djecom, ("Službene novine Ze- Do Kantona" broj: 13/07), člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj: 49/06 i 51/09) i člana 11., 34. i 117. Statuta Grada Zenica („Službene novine Grada Zenica“ broj: 05/15), Gradonačelnik donosi

## **PRAVILNIK**

o dodjeli jednokratne pomoći za svako novorođeno dijete na području Grada Zenica

### **Član 1.**

Ovim Pravilnikom utvrđuje se pravo na jednokratnu novčanu pomoć za svako novorođeno dijete, njena visina, postupak i način ostvarivanja prava, način finansiranja i druga pitanja od značaja za priznavanje prava.

### **Član 2.**

Sredstva utvrđena na ekonomskom kodu 614200 - 137, Transferi pojedincima - naknada za svako novorođeno dijete, raspoređuje Gradonačelnik zaključkom na prijedlog Službe za boračko-invalidsku i socijalnu zaštitu, stambene poslove i društvene djelatnosti u skladu sa utvrđenim kriterijima, a na osnovu podnesenih zahtjeva putem Protokola Grada Zenica.

### **Član 3.**

Pravo na jednokratnu novčanu pomoć za svako novorođeno dijete u iznosu od 230,00 KM (dvije stotine i trideset konvertibilnih maraka) priznaje se :

- a) ukoliko oba roditelja djeteta imaju prijavljeno prebivalište na području Grada Zenica i to u trajanju najmanje dvije godine dana prije rođenja djeteta,
- b) i za svako novorođeno dijete koje je rođeno od 01.01.2020. godine, do utroška obezbijeđenih finansijskih sredstava za tekuću budžetsku godinu.

### **Član 4.**

Podnosioci zahtjeva koji ispunjavaju kriterije za ostvarivanje prava prilikom podnošenja zahtjeva na propisanom obrascu dužni su dostaviti sljedeću dokumentaciju:

Potrebna dokumentacija:

- a) Prijava prebivališta za oba roditelja;

- b) Ovjerena kućna lista;
- c) Ovjerena izjava roditelja da imaju prebivalište na području Grada Zenica – najmanje dvije godine prije podnošenja zahtjeva,
- d) Izvod iz matične knjige rođenih za dijete;
- e) Tekući račun;

#### Član 5.

Novčana pomoć će se dodjeljivati na osnovu podnesenog zahtjeva i po redosljedu primljenih zahtjeva, a do utroška obezbijeđenih sredstava u Budžetu za tekuću godinu. Podnesene zahtjeve će razmatrati Komisija koju imenuje Rukovodilac nadležne Službe. Komisija predlaže Zaključak o odobravanju sredstava, te isti dostavlja Gradonačelniku na saglasnost.

#### Član 6.

Ovaj Pravilnik stupa na snagu narednog dana od dana objavljivanja na službenoj stranici i oglasnoj ploči Grada Zenica.

Broj: 02-45-4456/20

Zenica, 22.05.2020. godine



GRADONAČELNIK  
Fuad Kasumović